

خزینہ اوراق

نومبر

جمعہ ایرتسی

تاریخ تاسیس
۱ مایس سنہ ۱۲۹۷

عمومی اعتباریہ فنونہ دائر رسالہ ادبیہ در

آیدہ دزت کرہ اولہرق جمعہ ایرتسی کونلری چیقار

اکرم یک افندی حضرتلرینکدر
اخلاقه دائر بعض مطالعات منظومه

چوقسده عیب جهان سنده دکلک بی عیوب
اولق ایسترسدک اگر شایسته مدح و ثنا
اعتیاد ایت عفو و اغماض ایچکه دیکرلی
نفسی عفو ایچدن اما اوزاق طور داغا

۸

یوقدر صحابت ایچکه بر کیمسده مجال
وجدانه قارشی شخص کنهکار و مجرمی
وجدانیدر اسانت فعلنده ادمک
دعواجیبی، شهودی، قوانینی، حاکمی !

۹

اویچکه خلاق جهاندن قورقلی
صکره اندن قورقیاندن قورقلی

قاستور

معارف نظارت جایلمه سی ترجمه و تالیف قلی مدیری فضیلتلو
احمد جدی افندی حضرتلرینکدر

قاستور سائر حیوانه فائق اولمادقدن بشقه بالعکس کندوسنه
مخصوص بعض اوصاف جهته بونلرک بعضیلرندن یک اشاغی
بردرجدهده بونلور کندیسینی انسانه تقرب ایتدیره بیلنه چک اولان
اوصاف نسبه جهته کلبدن ده اشاغی ونه خدمت ونه قوماندنا

ونده گندی نوعندن ماعدا حیوانلرله اختلاط ایتمک ایچون خلق اوتمش کبی کورینور گندی حییات طبیعیه سنک حکمی یالکز گندی جنسندن اولان حیوانلرله برابر اجرا ایدر یالکز قالدینی حالدیه صنعتی پک جزوی وحیه سی یوق حکمنده اولوب پک فنا طوزاقلردن بیلکه گندی صافندجق قدر عدم امنیت مالک دکلدر . قاستور سائر حیوانلره تجاوز ایچدیکندیشقه گندی ای مدافعه ایتمک خصوصنی دخی یلیر . آوجینک انده پکدینی زمان شدتلی وفنا ایصرر ایسه ده دائما فراری قراره ترجیح ایدر .

بو حیوان اوصاف داخلیه سنک تفوق ظاهر یسندن بشقه جسم خارجیه سنک صور و اشکالی جهته شایان نظر دقتدر . براصد قوشی درت ایاقلی حیوانلرله قوشلر آره سنده بر نوع حیوان اولدینی کبی قاستور درت ایاقیلر ایله بالقلر اراسنده بر نوع حیواندر قاستورلر تشکیل جمعیت ایچون حریران و تموز آلرنده اجتماعه باشلار و هر طرفدن کثرت اوزره ورود ایدرک ایکی و یا خود اوچیبوزدن عبارت بر فرقه تشکیل ایدرلر . واقامتگاهلری زرده اوله جق ایسه اوراده یعنی مطلقا صو کناری اولان بر محله طویلانورلر و انتخاب ایشدکلی صو دوز دلاقلر کبی دائما بر ارتفاعده بولندینی جهته سد انشاسنه حاجت قالماز لکن ایچقدن آقان صولرده بونلر شوسه انشا ایدوب اشو شوسه ایله بر نوع لاق تشکیل ایدرلر که هر زمان بولندینی ارتفاعده ثابت اولور .

بو شوسه قنطره کبی نهرک ایچندن کچوب بر ساحلندن دیکرینه

ملاصق اولور واساسنك عرضی اون و یا اون ایکی و طولی
سکسان و یا یوز مترودن عبارت اولوب نهرک بوسدی انشا
ایندکلی محلی از دریندر اگر صوکنارنده صویه دوشده بیلجک
بیوک بر آغاج بولنورایسه بواغاجی انشا ایده جکلی سدک لوازی
محاصره منده استعمال ایدرلر بواغاج اکثریا انسان جرمندن
دها بیوک اولوب انی ککیرمک ایچون درت عدد کمکین دیشلرندن
بشقه الاته محتاج اولمدرق از وقت ظرفنده دیندن قطعله
استدکلی طرفه یعنی نهرک عرضنه مساوی بر صورتده دوشوردرلر
بعده هر طرفنی دوزنتمک و هر جهتی صورت متساویه ده
برلشدرمک ایچون اغاجک تپه سنده کی دالری کسرلر اشجو
عملیات متخداً اجرا اولور برچوق قاستورلر اغاجی دوشورمک
ایچون دینه کیررلر و برچوغنی دخی اغاج بره دوشدیک وقت
متخداً دالرینی بودامغه کیدرلر و دیگر برچوقلری دخی نهرک
اطرافنده طولاشدیرق بوط و بحاق قالیغنده اغاجلردن قازیق
یا یاق ایچون بونلری پارچدرلر و لزومنه کوره اوزون و قیصده
اولهرق قطع ایدرلر .

بونلر اغاج پارچدرلینی نهرک ساحلنه قدر کوتوردکن اولان
صکره شوسدینی انشا ایده جکلی محلهک نهرک صویق واسطه سیله
سوق ایدرلر بواغاجلر ایله غایت صیق اولقی اوزره (و تد)
دیلان بیوک تمیل قازیقلری یا یوب اغاج دالرینی بونلردن بر
ایکی قازیقی آراسنه طیقارلر بعضیلری دیشلریله اشبو (و تد)
قالین اوجنی نهرک ساحلنه و یا خود دروندن کچن اغاجه قارشو
قالدررلر و برطاقیده اوک ایاقلریله دلیک اچق ایچون صوبک
دینه قدر طالارلر و قازیقک اوجنی بودلیکه ادخال ایله استقامت

اوزره ایاقده طورورلر و بو ائشاده برطاقی دخی طیراق تدارک و ایاقلریله چامور ایدرلر و بو چاموری قوروقلریله دوکرلر . و بو چاموردن اغزلیله و اوک ایاقلریله اوقدر چوق طاشیرلر که (وتد) ک آجیق محلی طولدیرلر . بو (وتد) ک یوکسکلی درجه متساویه و یکدیگری اوزرینه دیگمش بر چوق قازقلردن مرکب اوله رق نهرک بر ساحلندن دیگر ساحلنه قدر ممتد اولور .

بونک هر طرفی طولدیرلش و دیوار کی اورولش و قازقلرده صویک دوشدیکی جهته عموداً دیگمشدر بالعکس دیوارک ثقلنی چکمکده اولان جهتی میلانی اولوب شویله که اساسی اون و یا اون ایکی قدم ارضنده اولان بوشوسه نک قانینلی ایکی و یا اوج قدیمه قدر انجلیر بو صورتله بوشوسه صوی طوتیق و یکمسنه ممانعت ایتمک و ثقلنه مقاومتله هیجانه قارشو کلان وسعت و قدرته مالک اولدقدن بشقه بو خصوصاتی اجرا ایچون ایجاب ایدن ک مناسب شکل و هیئته دخی مالکدر قاستورلرک کوچک مسکنلری کلبه و یا خود کندی لاقلری ساحلی جوارنده اراسی طولمه بر (وتد) تم اوزرنده بری قرهید چیتمیق و دیگری صویه کبرمک ایچون ایکی قهول کوچک اولردن عبارتدر . بو بنالرک شکلی بیضی و یا مدور الشکل اولدینی کورمکده در . (مابعدی وار)

امید برونندن بر مکتوب

افریقای جنوبیده واقع وانگلتره حکومتده تابع امید برونی